

صاحب الكباريه

صاحب الكباريه	:	اسم العمل
قصص	:	النوع
عبد الرازق مصطفى	:	تأليف
عبدالحكيم صالح	:	تصميم الغلاف
عبدالقادر فايز الهندي	:	إخراج داخلي
اتيليه تاتش - المحروسة	:	الطباعة
الدار للنشر والتوزيع	:	الناشر
محمد صلاح مراد	:	المدير العام
٠١١٢٥٨٠٠٤٦٧	:	تليفون
eddar_press@yahoo.com	:	البريد الإلكتروني
www.facebook.com/eldarpublish	:	فيس بوك
٢٠١٦/٥٢٢٨	:	رقم الإيداع
I.S.B.N.:- 978-977-702-127-2	:	الترقيم الدولي

تكملة لأهداف الدار للنشر والتوزيع ورؤيتها لتكون في المقدمة لإثراء المجتمع المصري وإنارة الطريق وتقديم رسالة وتقديم المبشر والمتميز من الشباب الجديد الذي هو أمل لهذا الشعب.

تم التوصل إلى بروتوكول تعاون بين دار (الدار) للنشر وجماعة (إضافة) الثقافية في إطار جهودهما المتصلة في سبيل دعم الموهوبين من الشباب المصري أعضاء جماعة (إضافة) في مجال الأدب للوصول إلى جيل من الكتاب المبدعين المتحقيقين يساهمون في إثراء الوسط الثقافي المصري.



ديسمبر

٢٠١٦

صاحب الكباريه

قصص

عبد الرازق مصطفى



ديسمبر

٢٠١٦

إهداء

إلى الإنسان الذي لن يُغير سواد العالم من قلبه شيء

...

وإلى رفيقة عمري الفنانة (ميادة إيهاب)

....

وإلى أبي وأمي الذي كان إشتباكهم ناتج عنه هذا الطفل الذي أتمنى

ألا يموت ليعبث بالعالم

وأخيراً إلى العظيم

(منين أجيب ناس لمعناة الكلام يتلوه)

نجيب سررو

الحيوانات كائنات أرقى

صعدت السلم بعد توديع أناس أغلبهم لا أحبهم ولا يحبوننى،
منتظرين بالخارج لكى يطمئنوا، متسائلاً "يطمئنوا على ماذا؟" ما
مدى الحق فى مشاركتهم ليلتى؟ أهى حلبة مصارعة؟! حكام!..
مشاهدين!

أنا بوسط الحلبة، أمامى شريكى فى هذه الليلة المليئة بالرعب من
هؤلاء الناس، أحسست أن رعبها ينتقص من رجولتى، ألتقط
أنفاسى بعد دخول البيت ناظراً إلى امرأتى التى لا أقدر أن أبرر
فعل المنتظرين لنا بالخارج لإنهاء مهمتها كأنها وظيفة لا أكثر،
لأبلغهم أنها شريفة عفيفة...

ترتعث رغم أن الجو ربيع، عيناها تفصح عما بداخلها من قلق
وترقب شديد من هذه الليلة التى يلقبونها بليلة العمر، صوتى
بداخلى يقول لى: أحقاً هى ليلة العمر؟

تتحرك ببطء شديد، تلتفت إلى لتطلب منى الخروج من الغرفة
لتبديل فستان الزفاف، فأنصاع لها بدون أن أنطق بحرف واحد،
خرجت وأغلقت الباب بهدوء.

انتظرتها طويلاً حتى طَلَّت علىّ بإبتسامة أحسّها تستجديني عطفاً
مما سمعته خلال عمرها ما قبل هذه الليلة المشئومة عليها، آخذ
يدها لأقبّلها وأجلسها بجواري، لحظات الصمت الآن تتقوه بما
داخلنا.

استمرت في ارتعاشها، حاولت أن أحتضنها لأريت على كتفها
لتقول: مش هتتعشى يا حبيبي؟

أخرجها من حضني لأنظر بوجهها لأجدها غارقة في دموعها،
فأقول لها: انسى كل الاسئلة، واللى بيحصل من حشر الناس في
حياتنا، ولما الدورة تخلص ماتقوليليش... براحتك خالص، أما
تحبي تبدأي في أى وقت حالة حب مع حبيبيك هاتلاقيني
مستنكي.

تتهمر منها الدموع أكثر، لكنها تضحك بصوت عالٍ كسيمفونية لم
تُعزف بعد، أنستني معها كل شيء.

صاحب الكباريه

أعتدت في نفس الموعد من كل عام أن أذهب مع والدي إلى كشك الجزار الذي يقطن الميدان، ليشتري لنا مستلزمات عيد الأضحى، لم أرى وجهاً به صرامة مثل الصورة الموضوعه على لافتة الكشك آخذة جزءاً كبيراً من الوجهة، للدرجة التي تبعث في قلوب الناس الرهبة، سألت والدي من هذا الشخص، لكنه بإنشغاله مع أحد زملائه في الطابور الملتوى كالثعبان، لم يرد على سؤالى. إحساسي انه تجاهلني عن قصد لعل السؤال ضايقه، لأنه نظر بظرف عينيه كأنه يقول لي "أصمت".

تذكرت حينها أنني رأيت تلك الصورة في أماكن مختلفة، من ضمن هذه الأماكن مدرستي، عندما ذهبت إليها السنة الماضية لأول مرة في حياتي، شاهدتها فوق رأس الناظر مُعلقة على الحائط وهو يُملئ على التلاميذ الإرشادات بالطابور، بعدم سرقة السندوتشات والأدوات المدرسية من بعضهم البعض، وعدم الرقص في الحصص، وعدم التبول في الفصول.

كرهته وهو يقول لنا ذلك، لإحساسى بالإتهام من أول يوم دراسى لى.

لم أسأل عن تلك الصورة رغم اندهاشى بها لكبر حجمها، يبدو ككائن خالد لن يطوله الفناء.

لذلك قررت ألا أتحدث مع أحد أو أسأل عن شىء، لتجنب المشاكل مثل ما قال لى والدي.

لكننى الآن تأكدت من عدم رد والدى علىّ؛ لأنه لا يُريد أن يُثير المشاكل... مسالماً دائماً.

من الممكن التكهن أن الجزار هو صاحب المدرسة؛ لذلك لا يُريد والدى الخوض فى حديث يخصه، لإرضائه وعدم معاداته من أجل ابقائى فى مدرسة شبيهة بمزارع البهائم.

حفظتكموا يا ولاد المت...

رائحة الشتاء، أحفظها عن ظهر قلب، تذكرنى بالفصل السنوى لى من العمل، رغم أنى كائن شتوى أحب أجواء الشتاء كالطفل؛ للهو الذى يهب روحه كالفراشة للورود، إلا أنتى لم أسلم من هديتى السنوية في عيد ميلادى: الفصل من العمل.

لم يحدث أن فُصلت فى فصل الصيف لأنه مشحون بالمواسم بالنسبة لشركات البيع التى ارتبطت بها تسع سنوات منهم آخر ثلاث متزوجاً، ضرر الفصل يقع على وحدى دائماً أما سنوات الزواج فهو يقع على شخص آخر يشاركنى الحياة.

فما ذنب هذا الشخص فى حفظك لقانون العمل الذى من أجله تُفصل سنوياً، لمطالبتك بحقك، وتحفيظه لزملائك بنداً بنداً، كلما ذهبت لمقر عمل جديد.

أنصاف الحقائق تُقال لنا لتوعدنا بالنعيم فى كل لحظة ترى فيها رب العمل.

أضحك دائماً وابدأ أثناء سماعها، أما الآن أدخل من باب الشركة لأعبر على القطط الجائعة كل يوم فى نفس المواء الذى لا

ينتهى، عليها تجد أحداً فى هذا المكان لئُسد جوعها بلقيمات بعد إفطارهم، رغم أن إفطار زملائى لا يسد جوعهم بالأساس فهل يوجد للقطط أى شىء ليأكلوه؟

أطبع بإصبعى على بصمة إلكترونية بعد وقوفى منتظراً دورى، زملائى يبصمون بالإبهام وأنا أبصم بالوسطى.

أنتظر بالمكتب ليأتى إلى صوت الساعى:

_ الرئيس عايزك.

_ طب شكراً يا عم إسماعيل.

أمشى ببطء فى ممر على بدايته لافتة كبيرة مكتوب عليها ممنوع قراءة الجرائد والكلام فى السياسة.

أرى نظرات من يجلسون بالإستراحة، أعلم جيداً أنهم يعرفون بنهاية خدمتى فى هذا المكان، أتصيب عرقاً رغم برودة الجو الشديدة.

طرقت الباب لأسمع صوتاً رخيماً من الداخل:

_ أدخل.

_ صباح الخير يا ريس.

_ صباح الخير يا بيه، يا بالاشاء، يا مغلبنا.

_ يا ريت يا ريس لو فى حاجة تخص الشغل نخش فى الموضوع على طول لأن حضرتك بتشرب السيجار بتاعك وبتسمع سيمفونية بيتهوفن ومشغل التكيف ومشغول أنا عارف هيهيهيهيهيهيه..

ليقول لى فى هدوء:

_ أقعد من غير رعى كثير احنا مستحملين مشاكلك رغم أنك بتجبلنا فلوس كثير وانا عارف ده كويس حفظناها منك، بس بترعى كثير مع زمايلك واحنا هنا جايين نشتغل مش جايين نرعى، شغل برامج التوك شو والمسرحيات ده مش عندنا.

_ يا ريس هو انا حصل منى حاجة لا سامح الله، كل اللى قولته...

مقاطعاً لى:

بين الإتجاهين، فى العقد الخامس من عمره، يبدو لى أنه مديري
السابق، ينظر إلى الراكبين وينهرهم وهو يُشيع فى وجههم بإشارة
إباحية بإصبعه الوسطى: **كلنا بنشحت من بعض... هاوأو أو أو**
هاوأو أو أو..

كلنا بنشحت من بعض... هاوأو أو أو هاوأو أو أو.

الشبكة المقدسة

"سرطان إيه ياسامى، أنا راجل بتاع ربنا عمرى ما هاعمل حاجه تأذيكم، مانت عارفنى وهبت حياتى لخدمة الناس، إتكلم على الله إنت وماتتساش تبعلى الراجل بعد صلاة العشاء، وماتتكلمش فى الموضوع مع حد."

أسمعه بنصف أذن مستلقياً على الأرض، أتمنى أن يلتهمنى النوم؛ لكى لا أرى ووجهه الكئيب، أنظر إلى الجالس بجوارى:

_ ياااه سيد كلبة، انت جيت تانى ياسطى، وغلاوة عم ملوحة عندك لا تروّح.

_ إنت اتجننت؟ إيه يا عارف؟ كل ماتشوفنى هنا تهب فيا! سيبنى الله يخليك أنا فيا اللي مكفينى.

يقترّب من الشيخ هامساً فى أذنه، فيتعصب عليه قائلاً:

_ يابنى انت بقالك شهر بتعدى عليا، أنا حاولت احللك مشكلة حياتك المزتقة بكل الطرق.

اقولك... إتجوز..

الجواز هو الرزق كله، ماننت شايبنى متجوز اربعة ومشيهم على العجين، وبجوز ولادى والرزق واسع، بيبجى لوحده، ربك كريم، عليك بالجواز حتى لو هتستلف علشان تعمل كدة.

قاطعہ كلبه: ودى تعقل ياعم الشيخ!

_انت مش فاهم حاجة، دينك أمرك بكده، بيبقى تنفذ، سيبك من كلام الناس اللى لا يودى ولا يجيب، الجواز هو باب رزقك ربح نفسك، مش عاوز اشوفك المرة الجاية غير وانت بتقولى تعالى اكتبلى كتابى، يلا قوم اتكل على الله.

يقولها اثناء السلام عليه، يتحرك من أمامه فى صمت تائهاً لينادى عليه الشيخ: ياااا كلبه، الباب من على اليمين، مع السلامة.

تغفو عينى لأرى المكان ممثلاً عن آخره بأناس يصلون، وهو يؤمهم، أراه فى ضخامة غريبة والناس فى حجم الاقزام، يلتفت كلما سجدوا ليضع يده فى جيوبهم، فيتضخم حجمه كلما مرّ

بأحدهم، أسمع صوتاً من بعيد: أصحى يا عارف، أصحى يا عارف.

أفتح عيني لأجده يقول: يا بني قوم عندنا ضيوف، أنا هدخل أوضتى ومش عاوز حد يعرف انى هنا، لما يبجوا تدخلهم على طول وتجييب لهم حاجة ساقعة، ماتتأخرش زى عوايدك.

ينظر إلىّ أثناء اعتداله وهو يتجه إلى الغرفة ليقول متجهماً: إنت ماقمتش تصلى العشاء ليه؟ مش حرام عليك تبقى خادم المسجد وماتصليش؟ ده انت هاتتشوى فى نار جهنم.

جئت بالمشروبات للضيوف، دخلت دون استئذان لأسمعه: عارف يا بشمهندس؟ أنا بحب أشجع الشباب علشان بفلوس الشبكة دى أنا هجوز بنت من بناتى، ربنا العالم انتو قلتولى إن المئذنة اللى هتصمموها مش هتبان إنها شبكة تليفونات، يعنى الناس مش هاتعرف حاجة، مش عاوز فضايح على آخر الزمن.

يرد الضيف الشاب: لا ماتقلقش من أى حاجة وبعدين... ألف ألف مبروك فرح بنتك يا شيخنا، إمضى وإتكل على الله.

ينظر إلىّ كأنه يقلع عينيه من وجهه، ففهمت ووضعت
المشروبات على المنضدة، أخرج متسائلاً: أهذا الرجل الذي
أرسلنى والذى إليه لأتعلم منه التقوى والصلاح والورع؟

ده ياكل مال النبى ويحلى بالصحابة.

بداخل الفولاذ

بعد أن مشيت فى الطرقات بهذه البدلة الفولاذية التى ألبسوني إياها منذ ولادتي إلى الآن. تحجّر عقلى، يريدون منى أن أسلم هذا الجسد الذى يحدثونى عنه كأنه رأس مالهم الذى يملكونه، كأنهم تزوجوا لينجبوننى للحياة لكى يتاجروا بى، فليس لديهم أى مقومات تؤهلهم أن يظلوا على قيد الحياة، أو أى كيان يؤمن لهم حياتهم.

تكفلت أنا بهذا الدور، توليت إعاشتهم كاملة، ففقدت الرغبة فى الحياة مما آراه معهم.

أم متزوجة من رجل منذ خمسين عاماً لم يعاملها بالحسنى مطلقاً، إختفى إخوتى الرجال من هذا المكان راحلين إلى حيواتهم، أما أنا فالיום أتممت أربعة وأربعين عاماً، اتخذت قراراً بالزواج بعد معاناتى التى لا تنتهى وإحساسى بالوحدة، أدخل فى حالات حب لكنها من طرف واحد لا أجرؤ على المواجهة فيها، أتذكر حبى لمدرس اللغة الانجليزية بالمرحلة الثانوية، ظلت فى الهيام الأبله كثيراً حتى بعد تخرجى من الجامعة، كنت أرسل لنفسى كل أسبوع خطاباً مكتوباً بخط يدى، وأضعه فى صندوق البريد الكائن بجوار

عملى، لأتحيّن لحظة مجيئه، لأعيش مفاجأة سارة أثناء استلامه فى كل مرة، أسهر الليل أقرأه وأعيد على مسامعى مقاطع منه عدة مرات، مع تطور التكنولوجيا اقتنيت تليفونين لأحمل واحداً وأضع الآخر بدولاب جهازى، أرسل منه رسائل للذى أحمله وأسمّى هذا الرقم (حبيبي)، أضبط الرسائل أن تأتي إلى كل يومين لأكون نسيت أنى أرسلتها لانشغالى فى العمل، ظل الوضع هكذا وحياتى تتصدع رغم نجاحى فى الجانب العلمى والعملى، لكننى لا استمتع بأى نجاح لأنه يفسد بمجرد أن أتحدث عنه بالبيت الذى اشتريته من حر مالى بعد سنين استعباد فى العمل، ففرضت علىّ أمى عندما اشتريته أن تجلس معى؛ للمحافظة على سمعتى، هذا ما قالته لى للحد الذى جاورتى فى سرير نومى.

أكره جسدى النحيل الذى يزداد نحوله كلما اخترقته العيون كل لحظة من حياتى، سواء فى العمل أو فى أى مكان، راودنى عنه كل من أحتسب علىّ ذكر، لم ارتدى قميص نوم مثل البنات لأراه علىّ حتى ولو بالصدفة، لهذا لا أدرى ماذا أفعل اليوم بعد

موافقتى بالزواج برجل أكبر منى بخمسة وعشرين عاما، كهلاً
لدرجة أن يديه ترتعش وهو يصافحنى، فأرتبك وأتلعثم...

أذهب بمخيلتى عندما أراه بالشكل الذى تؤول له حياتى معه،
فمقايضته لى على جسدى كسلعة مقابل مسكن جديد، سيارة،
إعالة أهلى، كل هذا لايساوى لحظة من حياتى التى حاولت فيها
جاهدة أن أتملص من مجتمع ذكورى مريض إلى أن وصلت للبر
الذى اقف عليه من عروض بالزواج العرفى وعروض مستترة أو
صریحة بممارسة الجنس مع آخرين.

فى وسط كل هذه المهاترات كنت أبحث عمّن يشاركنى حياتى
التى لا أعلم لماذا انتهت بالطريق الذى كنت أهرب منه طوال
السنين الماضية؟

تتنظر الى زميلاتى فى الأيام الأخيرة على أنى عاهرة -أرى ذلك
فى أعينهم- أو متزوجة عرفياً، فكل هذه الحالات هى مادفعتنى
للجلوس الآن بانتظار الفستان الأبيض الذى تحمله لى بنت أختى
مسرعة، يمتلئ المكان عن آخره مهنيين: أحبة وأعداء.

بين غمضة عين وفتحها، أرى كفى كلما اقتربت منى حاملة
الفاستان، يتراقص الناس من حولى فى سعادة، تبتسم هى
مبهجة، تقبلنى وتضع الفاستان بجوارى قائلة:

مبروك وعقبالي زيك.

جسد اثناء تحلله

أحاول أن أنجو بنفسى فى كل مرة يُدخل يده بين أرجلى كالقلم فى المحبرة، لا أعلم من فعل بى هذا بسبب التزاحم المعتاد فى الثامنة مساءً كل يوم بنهاية العمل، وأنا أستقل الأتوبيس المتهالك التابع لهيئة النقل العام.

المرّة الأولى الذى حدث ذلك أحسست بعجلات قطار تسحق جسدى ذهاباً وإياباً، للحد الذى رأيت فيه أشلائى مترامية على وجوه من حولى، والمكان مليئاً عن آخره بالدم، شىء ما يطبق على أنفاسى دائماً إلى الحد الذى جعل منى دميمة فى أحضان زوجى بلا أدنى مقاومة أو إحساس بالرغبة فى مبادلتة أحاسيس تشعره بلذّة ماتت مع الوقت، فظل احتقارى له ولنفسى.

لم أنطق أبداً بكلمة لعاصم زوجى، خوفاً عليه أن أجرح كرامته، لكننى اتخذت قراراً اليوم بمصارحته بعد أن ألقاني صاحب اللحية مجدداً تحت القطار.

نزلت من الأتوبيس، تمشيت بالأزفة التى أمر بها يومياً، الأرض تهتز من تحت أقدامى رغم ثبات الناس من حولى فى حالة تشبه

الجبال الصماء، أصعد السلم مسرعة مرتعشة، أفتح الباب لأجده هو وأمه (دائمة الزيارات) يجلسان فى أنس يتبادلان الضحكات التى قطعها وصولى، فأنفجرت بالدموع من شدة سخونتها كأنى أنزف دماً.

سألنى مندهشاً: إيه اللى حصل، مالك؟!!

_ عايزاك لوحدنا فى الاوضة.

فأنتفضت أمه بعصبية: لعله خير يا ضنايا.

عبرنا سوياً إلى كهفنا المظلم الذى يستمتع بذبحى فيه كل يوم، أجلسنى متلهفاً محتضناً لى، فوضعت يدى على صدره دافعة له بعنف، فسقط على الارض مهمهماً: إنت اتجننتي؟!!

_ إتجننت عشان محدش بيعاملنى كبنى ادمة؟ أنا كل يوم بيتحرشوا بيا ومش قادرة أقولك عشان خايفة عليك وعلى إحساسك.

تجتاح أمه الباب: مانا ياما حصلى كده وعمرى ماقولت لجوزى
عشان احافظ على بيتى، الست الشاطرة هى اللى تعمل كدة.

تصرخ: عايزة تضيعى مستقبله ويصورلك قتيل عشان واحد
اتحرش بيكى، وبعدين اكيد انتى السبب عشان بتتأخرى فى
الشغل.

تجنو على ركبتيها لتربت على كتف إنها الملقى على الأرض
لينهض معها خارجاً غير مبالين لما أقول فلا ينطق حتى كلمة
مواساة ليهدئ من تصدعى، ذهب رجلى تاركنى فى كهفى الذى
قارب على التحطم فأخذت (أبو فاس) من تحت الوسادة لأدهن به
جسدى كعادتى، لأجعله كلما اقترب من هذا الجسد النحيل أن
يكره نفسه، لكنه رغم ذلك يعاشرنى وانا نائمة.

استفتقت بعد نوم لا أعلم مداه لادخل المطبخ لأجده ينظر من
شباكه فى حاله اهتزاز لجسمه لاستبداله يده بدلاً منى فى إمتاعه،
يرانى فيهرع خارجاً ليظل فترة بسيطة ثم يعود واقع خطواته على
مسامعى كحفار الارض يحفر اجزائى بلا رحمة..

عقل مُسَرِّطِن

وقع نظرى عليها فى كامل أناقتها وجمالها، ألوانها الزاهية، حبها للحياة كما هى رغم عقدها الخامس، لكنها لا ترتدى غطاء رأسها التى تعودت أن أراها به، قلت لنفسى: لقد أصبحت أجمل من ذى قبل، لم يكمل فى الابتسام لها ليفتح باب المترو أحضانه لتخرج منه كالريح، تلتفت نحوى كلما أبتعدت، لم اندهش مما فعلت رغم أنها كانت تحبنى وبادلتها شعوراً جميلاً لم أبادله احداً من قبل.

بعد هذا المشهد بأسبوع جاء لى صديقى أحمد الزاهد (زميل دراسة).

أقام معى يومين: الأول بأكمله نائماً بلا حراك، أنظر إليه فى صباح اليوم التالى كى أوقظه لأجده شبه مدفون بلا قبر، رغم انه استغنى عن لحيته التى ظل سنوات عديدة يفتخر بها وهو يجوب الطرقات ليأمر الناس بإتيان فعل الخير بتشدد منفر، لم يعبر التعليم الأزهرى الذى تخرجنا منه سويماً إلى قلبه، لم أناقشه يوماً فى تشدده لأنى عرفت مصدره من المقرأة التى أخذنى يوماً إليها فى مسجد مجاور لمنزله المجاور لملاهي ليلية، اعتاد الشجار بعدها مع روادها وهو خارجاً من جلسته.

ظل على هذا الحال خمس سنوات لم أشاركة هذا لأنه من وجهة نظرى متعصب للحد الذى أنفر منه شخصياً، أفعاله تفوق مقدرتى على الإحتمال، رغم ذلك أحببه، بداخله طفل صغير يفرح دائماً أثناء لهونا مع الجيران بالكرة أو (بلاى استيشن) أما الآن فقد اختلف تماماً عمّا رأيته آخر مرة، لم أسأله عن حلاقة ذقنه ولا شعر رأسه الطويل أو أسلوب تغيير ملابسه من الجلباب الابيض القصير إلى الكاجوال، رغم ذلك لم أرى فى هيئته وجه الطفل الذى كنت معتاداً عليه فى بعض اللمحات.

أقف أمامه، أحركه بيدي لأنتزعه من نومه كى يأتى الى دنيانا، أحاول مرة أخرى جاهداً فلا أجد نتيجة فأتركه.

عدت له فى آخر اليوم بعد نهار عمل شاق، دخلت عليه الغرفة فلم يحرك ساكناً ففزعت، هزرتة بقوة ففتح عينيه بشق الأنفس لينطق فازعاً:

_ فيه ايه... انا فين وايه جابنى هنا!؟!

_ بقولك ايه يابو حميد اوعى تكون هريان من مصيبة والنبي، أنا
فيّا اللي مكفينى...

قرفص في سريره مطرقاً لبرهة، ثم همس: إعملّى قهوه دوبل
وتعالى أحكيك، يمكن عندك حل.

ثمة رائحة موت خرجت من همسه، فرددت: حاضر، قوم إغسل
وشك وظبط نفسك كدة لحد ما اسويك فنجان قهوة حلو.

جلسنا فى الصالة على كنبته المريحة التى كان يحبها أيام
الإمتحانات، إنتهى من القهوة فى صمت، نظر الى الفنجان كأنه
يستحضر بركاناً لينفجر، فقلت له: ها... تمام كدة؟ ولا أعملك
فنجان تانى؟

قال بملء فمه مرتعشا والعرق ينطح من جبينه:

_ أمى هربت مع واحد معرفوش ودخلت دين جديد، والعيلة
إتدمرت.

ينهار كاليوت المهشمة في الحرب، يمر أمام عيني الآن كل
عذاباته السابقة لها، ربتّ على كتفه، خارت جميع قوانا سوياً في
نفس اللحظة، لم أجرؤ على التفوه أنى رأيتها في المترو من أسبوع
من هول صدمتي، وبالكاد أيقنت أنى لن أخبره.

دستور خلفی

رغم صغر مساحة المسجد ووجوده في منطقته عشوائية إلا أنه به نفس تجهيزات المساجد التي بمناطق الطبقة العليا، ازداد الطرف طرفاً بمبردٍ صغيرٍ للأطعمة بجوار المحراب، يرتكن إليه شيخي بين أوقات الصلاة لينهل منه.

أمّا في هذا اليوم بنهار رمضان بعد صلاة العصر ألقى كلمة على مريديه، ثم انطلق ليستريح كعادته بالمنزل، على أن اصطحبه إليه.

أثناء خروجنا على باب المسجد هرول في أثرنا عمر زماكة جارنا، ليسأل عن فتوى عمل المرأة، يتحدث في اللحظة التي تقف أمامنا نبوية امبوبة بعريتها الكارو المعهودة باسطوانات الغاز في هذا القipzig، ممسكة المفتاح تدق عليهم بقوة، وجهها يميل الى الزرقة يتصبب عرقاً كأنها في صحراء، ملتحفة بالسواد الذي لم أرها بغيره منذ زمن.

لمحني الشيخ بطرف عينيه أنظر إليها، أيقن أنّي لم أكن أنصت له أثناء تحدّثه إلى زماكة الذي لازال متضرعاً بين يديه، فحسم

لكل نقاب، تيجى بمشيئة الله تاخديهم من المركز اللي فوق الجامع، أظن الشغل كدة ملوش لازمة، باب رينا هو شغلك وراحتك لحد ماتموتى."

خضعت نبوية بسرعة البرق، لم تناقشه حتى فى الامر بل قالت بنبرة تضرع:

_ تؤمرنى يا عم الشيخ راضى، إحنا لينا بركة إلا إنت؟ طب ينفع البت الصغيرة معاهم؟ والنبي ترضى يامولانا علشان خاطر اليتامى.

ابتسم ابتسامة أعرفها جيداً، تلك التى بعدها يأتى أمراً لكل من حوله:

"بنتك الصغيرة دى هى بنتنا، واحنا خدناها لمسيلمة إبننا" وربت على كتفى مكماً قوله: أظن انتى عرفاه وعارفة اهله كويس، بس المهم تبعيتها من النهاردة تحفظ قرآن وتحضر دروس مع الشيخة دلال فى مسجد المدينة اللي جنبكم، كدة أظن كله تمام بإذن الله.

مقاطعة له: هو فيه بعد كلامك يا مولانا؟ دانا من ساعة مادخلت
الجامع بتاعك وانا حاسة إني في الجنة.

أزمة دبلوماسية عند أم شطة

أصبحت علاقتنا كقلعة محصنة رغم معرفتى به منذ ستة أشهر فى الجامعة بكلية أصول الدين، منهم الثلاثة الأخيرة نطوف قرى نائية على الجوامع الصغيرة والزوايا لصيانتها أو تركيب مبردات مياه وأحياناً لتوزيع ملابس للأطفال ووجبات غذائية لمعدومى الدخل.

فى هذه المدة حاولت أن أطلق لحيتى مثل صديقى مذكور للإقتداء به، لكننى فشلت لضعفها الشديد إلى الحد الذى تبدو فيه مضحكة إذا أطلقتها، فشاركنى هو إهتمامى بخلق شعر رأسه مثلى تماماً، فسألته يوماً: "فيه حد شعره يبقى شبه الهنود ويحلقه أقرع؟"

نظر إلىّ بابتسامة أدخلت إلى قلبى السرور، تاركة فى نفسى أثراً طيباً فعلته التى لم أتوقعها.

قبل ذلك بثلاثة أيام كنا نتحدث عن الزواج، فرأى من الأفضل أن نهب أنفسنا للدعوة، نطقها واثقاً منها: "أحنا ماشيين على خطى الشيخ الأهوانى."

لكنه وعدنى بحل أقرب إليّ من قميصي، هاتفنى فى العاشرة صباحاً من اليوم التالى بإقتضاب غير مريح:

_ سلامو عليكو... عايزك ضرورى.

_ عليكو السلام، إزيك ياشيخنا؟ مالك بس انا عملت حاجه زعلتك؟

_ فى مشكله حصلت ولازم تكون معايا فى حلها فى أسرع وقت.

_ مسافة السكة واكون عندك.

لم أتأخر عليه، وجدته ينتظرنى بالشارع فأشار إلى تاكسى، وبفضل وسامته المعهودة وشياكته نادراً ما يرفض أى تاكسى الوقوف له، جلس بجوار السائق الذى سأله بمجرد أن رآه:

_ إنت اخو وائل كافورى المغنى؟

رد فى أدب جم: لا ياسطى.

_ أصلك شبهه أوى.

فى لهجة حاسمة لإنهاء الحديث: انا الداعية الإسلامى محمد
مذكور، وشهّل شوية ياسطى الله يكرمك علشان مستعجلين.

رد السائق فى حرج الواقع فى مأزق يرجو الخروج منه: لا مؤاخذه
يا مولانا.

نزلنا من العربة فى شارع مزدحم عن آخره: بائعين خضار
ومحلات من كل شكل ولون، بباب المنزل الذى نقصده يجلس
منجد منهمك فى عمله، رغم ذلك ينظر فى كل الإتجاهات بلا
مبرر. اتجهنا إلى الطابق الأول فوجدنا المنزل مفتوح أشبه بشكل
المصالح الحكومية الرتيبة، يجلس بجوار الباب رجل خليجى فى
العقد الخامس بعقاله الأسود وجلبابه الأبيض، سبحته لا تفارق
يده، يلازمه شاب مصرى يتضح من ملامحه البارزة وسمرته أنها
سمرّة الطين، لهجته تؤكد ذلك.

إلتفت إلينا رجل ضخم البنية فى جلباب بلدى لمصافحتي أنا
وزميلي، فعرفنى عليه:

_ الحاج مصطفى سيلان.

_ إيه؟! _

_ هفهمك بعدين... _

أخذنا جانباً من المكان إلى حين انتهاء الجدل الدائر بين كلا الطرفين الذى مع الوقت بان سببه عندما خرجت علينا منى زحليقة من غرفة ملاصقة، مرتدية عبائتها السوداء الملتصقة بهذا البنيان الأثنوى كالشراب الحرير به فتحة عند الصدر، وتربط شعرها برابطة رأس حمراء، صاح الخليجي فى لهجة رجاء:

_ أنا أبغيها بالحلال، والله نكتب هيدى الورجة وتوجع عليها ليصبح زواجاً مباركاً حلال، أنا ما بجدر أتكشّف على مرة إلا لما تكون زوجتى، ياناس هذا حجي لا أريد أن أتعرى أمامها إلا بالشرع، ما المانع يا حاج... _

قاطعها الحاج فى صرامة الأسد عند انقضاضة على الفريسة:

_ ده بيت محترم يا شيخ العرب لا ورقة ولا احزنون، عاوز تخش على النسوان كلها خش، إنما ورقة ولَبِش مش ناقصين الله يكرمك خليها ماشية بالستر.

_ قفلت السكة فى وشى بيقى جاية حالاً، هتحللنا الحدوتة دى، وهظبطك.

قلت له متعجباً: واضح إنك معرفة هنا من زمان ومبتقطعش رجلك خالص.

_ هافهمك بعدين، المهم هحللك مشكلة الجواز دى خالص، ولا مش عاوز تتجوز؟ قالها بابتسامة أعرف مغزاها.

يدور المشهد أمامى بلا أدنى مقاومة منى، لا أقدر على تركه، فضولى سوف يقتلنى يوما ما.

حتى ونحن واقفين أمام الباب تمر أمامنا نساء يصافحنه، يأخذهن فى أحضانهم، فيقولون له فى دلال: "مانتفضل عندنا النهاردة".

يرد ضاحكاً: "لا انا النهاردة بتاع ام شطة، جِلّوا عن نافوخى". فيقهقهون.

تدخل علينا امرأة تشبه بائعة الجرجير فى العقد السادس، متجهمة رافسة للباب بقدمها اليسرى بقوة، رغم قصر قامتها فزع الجميع، لم

تنتظر لنا، ارتعش سيلان الذى يشبه الثلجة الأربعة وأربعون قدم،
رغم أن لديه شارب يجلس عليه الصقر ويتبول فى طمأنينة، قال
لها: "أهلاً بالكبيرة."

انطلقت بالحركة والكلام كالرشاش الروسي:

_ إنت يا لا خد الزيت الخليجى ده من هنا، معندناش نسوان
بورق، ماتجيبش الأشكال الوسخة دى هنا تانى... أنا بيتى
نضيف.

انطلق الخليجى مع فتاه الأسمر، جلست على الكرسى المواجه
للباب فاتحةً ذراعيها فى ترحاب، انطلق صديقى ليجلس على
رجليها فاحتضنته وقبّلته على وجهه فى لمح البصر. قالت
لمصطفى الذى عرفت بعد ذلك أنه زوجها: "يلاً ابعت هات غدا
للرجالة بلوازمه. فتحرك فى الحال.

أخذ مدكور ناصية الكلام:

_ إنتى تسيبلى منى زحليقة وسهير أستك أنا والراجل ده حتى لو
وراهم شغل، هما الوحيدين اللى بيكيفونى هنا.

_ سيبك من الشقة دى بنسوانها العفشة، وتيجى الثانية اللي
عالكورنيش وهعملك تخفيض؛ دى خلاص مبقتش من مقامك.

_ لا دى ليها عوزة تانيه خالص بعدين... بعدين.

_ عايز حاجة تانى مع الغدا؟

_ آه، علبتين أبيض.

صافحته ورحلت، مع تحركها من المكان دخلت علينا امرأتان،
فأشار لإحدهما أن تسعدنى فضحكت الضحك المعهود فى
المكان، أخذ زحليقة تحت إبطه ودخل الغرفة وأغلقها، جلست
سهير استك بجوارى، ظلّت ملاصقة لى مداعبة لكل شهوات
جسمى، كلما إقتربت تتحدث عن أشياء لا أسمع منها إلا قليلاً،
فعندما لم تشعر منى بأى استجابة حاولت أن تستعطفنى وتقول
أشياء لا أسمع منها إلا أنها هاربة من زوجها وأن ابنها مريض...

شئ يجثم على صدرى كلما مرّ الوقت علىّ بالمكان، أحسست
أننى الآن جالس على شيء لزج، فتحسست بنطالى لأجد سائلاً

لجزأ؁ من الممكن أن يكون خاص بصديقى... صديقى الذى لا
اعرفه.

لعل الفأر يعلم!

تم طردى من الجامع الثالث على التوالى خلال نصف ساعة، مع أن كل ما أتمناه أن أستمع لخطبة جمعة تحمل دروساً مستفادة لا أكثر: ذهبت إلى الأول فوجدته ممثلاً عن آخره، قبل أن تطأ مؤخرتى أرضية المكان رنت جلجلة فى أذنى كالجرس وهى مقولة الخطيب أن عدم حجاب النساء هو سبب الغلاء.

فلم أجلس لعدم أهمية الخطبة، لأن هذه الطريقة تُشعرنى بالاشمئزاز، الصوت الجهور -الذى أشبهه بنهيق مُسعد الذى أتابع علاجه بالعيادة من حين لآخر - لفظنى خارجاً، هرولت للحاق بمسجد آخر، عند الباب أدركت أنه يتحدث عن فضائل الجماع وثوابه، فلم أُحمّل نفسي عناء خلع حذائى.

يُحدّث منطقة سكنية بطون نساءها منتفخة عن آخرها كأنهم فى مارتون وأولادهم متكدسين بالشوارع عن فضائل الجماع.

لولا عدم معرفتى بالمستقبل لاخترت تخصص النساء والتوليد.

لم آخذ وقتاً طويلاً فى الترجل إلى المطاف الأخير لقرب المسافة، لأجدهم فى جلسة الإستراحة، أخذت موقعى بجوار رجلاً نائماً فى

العقد السادس، لم يطمئن قلبى لنومه أثناء الخطبة، أدركت الإجابة- عن سؤالى الذى بنفسى عن نومه مع وجود التكيف، استغفر الخطيب لاستئناف حديثه عن غشاء البكارة، ظل يصول ويجول فى الموضوع إلى أن وصل إلى مقولته التى طُردت بسببها "إن الله خصّ النساء من مخلوقاته أجمع بهذا الغشاء للعفة والطهارة؛ لكى تحفظ نفسها لزوجها."

ينطقها وكأنه أنتصر فى معركة لتوّه، فلم تقدر أذنىّ على سماع هذا الغش والتدليس والسكوت عليه، فانتنفضت واقفاً لأقول "اللى بتقوله فيه حاجة غلط..."

فنظر إليّ وكأننى أخرجت سيفى لأشهره فى وجهه، ليقول لى مقاطعاً:

_ إيه هو اللى غلط يا أستاذ، أنت هتعرف أكثر منى!؟

_ يا عم الشيخ الموضوع لا أكثر ولا أقل، أنا الدكتور ناجى، دكتور العيادة البيطرية اللى فى المنطقة لو متعرفنيش، لما سمعتك بتقول إن ربنا خص النساء فقط بغشاء البكارة من الكائنات الحية

قولت أصح لك المعلومة، لأن الحصان والفار والفيل وحيوانات تانية كتير فيها نفس الغشاء، وموجود للحماية من الجراثيم قبل سن البلوغ، فياريت متقولش معلومات مش متأكد منها بس.

_ أنا مش عارف إزاي صبرت عليك لحد ما قولت الكلام الأهل ده! جراثيم إيه يا دكتور البهايم؟! هو أنت اللي هتفهمنا فى الدين؟! أنت عاوز تنتشر الفساد بين الناس وتقولهم إن غشاء البكارة موجود عشان الجراثيم؟! إتكل على الله يابنى من غير مطرود بدل ما الناس تقوم تاكلك، يلا يابنى بالأدب كدة.

تأكدت من آخر جملة له أنى لا بد أن أختفى من أمام أعين الناس لأنه أعطاهم إشارة فى محتوى كلامه بالتعدى على، ففعلت ذلك حفاظاً على نفسى.

منذ هذه اللحظة كلما أهمّ بالذهاب لسماع خطبة الجمعة، أرى بالشوارع طفح مجارير فلا أذهب لعدم تفاهى معها رغم حذرى منها بالسقوط فيها قبل ذلك، فأنقطعت صلتى بالجامع...

عمى الأقدار

"كل اللي نفسى فيه استحمى فى دش..."

تقولها أم نشوى فى أنين موجه، وجهها الذى نحتته الزمن هى وأخوتها كأنهم أرض بور.

أراها أغلب الأوقات حولى، أنظر إلى صورة زوجها التى بها شارة سوداء على جدار مستندة عليه آيل للسقوط.

_ أنا عايشة فى المرار ده من ساعة ماتجوزته لحد ماجالى حفيدى محمد، ولسة مستتية وعندى أمل.

أثناء حديثها معى، لفت إنتباهى صوت التلفاز العالى وإعلاناته المزعجة: "أفضل مركز روحانى للشيخ ماحي والعالمة سكيانة الاصلية، رد المطلقة فى ساعتين، جلب الحبيب وجعل الحموات والأزواج خاتم فى إصبعك، تيسير الدراسة، حل مشاكل الرزق والعقم والنفور من الزوجات والأزواج، ولدينا بإذن الله حل كل المشاكل الغير مذكورة بالإعلان بمنتهى المصداقية والسرية، واحترس من غيرنا. نسبة النجاح ألف فى المية، لا نعالج إلا بالخلوة الطاهرة."

ينتهى هذا الإعلان ليدخل منافس له: "الشيخ الدكتور (قاهر العزاف) قاهر الشياطين وجميع أنواع السحر، حاصل على دكتوراة فى الشريعة وأصول الدين من جامعة الأحمر، يكشف مكان الكنوز ويحددها، أترك الأمانى تلاحقك ولا تقف، فكّ العنوسة والزواج السريع وجلب رجال يتميزون بالفحولة، دكتور قاهر هو القاهر."

ينتهى مع ضحك بداخلى لا أجرؤ على إظهاره لإحترام جارتى الجديدة التى لا يسعنى الإستهزاء بها، فنقول:

_ إنت معايا يا أستاذ ولا مش سامعنى؟ شكلك سرحت مع الإعلانات مانا مجرباها... طب تصدق بالله؟ أنا روحت للشيخ ماحى ده كام مرة وخليت بنتى باعت الحلق اللى حيلتها من الدنيا بعد طلاقها عشان يردھا ويشوف لنا حل فى مشكلة الماية.

_ وحل مشكلتك فى الآخر؟

_ يا أستاذ أmaal أحنا قاعدين ليه؟ مش عشان نغير المواسير
ونركب الماتور زى ما انت قلت؟ بس مش عارفة هبيع إيه عشان
أسدلك حقهم.

_ طب دى الماية وعرفناها، بنتك رجعت لجوزها؟

_ لا ضربها طلقة فى رجلها وماشية على عكاز بعد ما كت بتهز
شبات المنطقة، الله يرحم أما كان فى شبات.

_ ده الشيخ ماحى ده سره باتع على كدة...

_ لا لا لا لا ماتغلطش فيهم! دول ولاد وسخة كلهم... شفتوا
منى فلوس بالهبل كنت بجيبها لهم بالدين.

_ عموماً هلم من باقى البيت وأرجلك فى الآخر يكون ربنا فكها
من عنده.

بعد انتهاء حديثها، لازمنى إحساس بالرغبة فى الإنتقام منها لطول
روحها وصبرها على الوضع الذى قذفتنى الأقدار فيه، لم أستطع
حل المشاكل المتراكمة منذ ستين سنة بمفردى مع أناس لا يتفقون

على تركيب لمبة سلم، بل يترصون لبعضهم البعض محاولين أن يتحزّبوا فيفسلون بجدارة، لذلك أملى الوحيد بعد كامل المهاترات معهم أن أجد مكاناً عند الشيخ ماحي...

نهاية بلا بداية

"قسايتين، بدل، كرافتات، عربيات، جمعيات، أقساط، كوشة، زفة،
خناقات... وفى الآخر إيه؟ بطفّش مراتى من البيت علشان أعمل
حاجات بطلتها من إعدادى، ياخى كان إيه لازمتها المصاريف؟"
يدخل فى هستيريا ضحك بعد جملته، أحاول أن أهدئ من حدة
تشنجه، يصمت برهة ليعاود حديثه:

_ ألو... ألو...

_ أنا معاك يا دوحه.

_ طب خد دى عندك، تصدق بالله؟ أنا عارف إن ربنا بطل
يحبنى، نفسى أعرف إزاي حاسس بيا وسايبنى كدة... أنا بطلت
أحبه.

_ يابنى إيه اللي بتقوله ده بس؟! إستهدى بالله كدة وصلّى على
النبي.

_ بقولك إيه... لو هتعمل زى الناس ما بتعمل، هقفل فى وشك
السكة.

_ طب إنت فين دلوقتى؟ أنا عايز أقابلك.

_ لا مش هينفع، أنا منتيل سايب مراتى بتولد والعيال دماغه دلالت منها، مش دى المشكلة.

يقولها متعصباً، فأقاطعها: "أومال إيه المشكلة؟"

_ المشكلة إنى مش هلحق حفلة تسعة فى سينما مترو.

تصعق أذنى مما قاله علها سمعت خطأ، فأعيد عليه السؤال:

_ إنت بخير يابنى؟

_ أنا على طول بخير ومريح نفسى لأنى لو مش مريح نفسى كان زمانى مُت من زمان، ياراجل ده أنا وصلت لإنى أهرب من الشغل زى ما كنا بنهرب من المدرسة زمان وأروح أدخل السينما، أوعى تفكر إن أنا إتجننت زى ما ناس بتقولك يا صاحبى، سيبك من أمى واللى بتقولها لك ده... دى مش فاهمة حاجة.

_ قولى بس إنت فين وأنا هجيلك لحد عندك، أنا عاوز أطمّن عليك.

_ ربح نفسك يا صاحبي، أنا مشكلتي مع الدنيا إنها مش
مدياني فرصة أعرف هي عايضة منى إيه كل مامشى فى طريق
أقول خلاص هو ده، أول ما أحس إنى وصلت ألاقى نفسى
مسكت ولا حاجة، أنا دخلتها كأنى دخلت نفق مش لأقيله آخره،
وبعدين أنا مش فاضيلك دلوقتى، سلام عشان ألحق حفلة
تسعة.

أنهى المكالمة بنبرة صوت هادئة جداً واثقة من المجهول، نظرت
إلى الساعة التى أمامى كأنها تحارينى، تُدخل الخوف بداخلى
كدخول سيف المحارب بقلب عدوه، تمنيت أن تتوقف لكنها لا
تفعل ذلك، تأكل عمرى أنا وصديقى الذى تكالبت عليه الديون إلى
الحد الذى منعه من إنتظار مولوده وهو يستقبل الدنيا المملة
الرتيبة كما يقول دائماً.

أصبحت مكالماته ثقيلة على قلبى لأنه لا يوجد لديه ما يسرّر،
المرّة التي قبلها قال لى: "أنا مش عارف أنا بعمل إيه، شغل
وبشتغل ليل نهار، لا عارف أسدد ديونى، ولا عارف أعيش. ولو
بطلت شغل هتحبس بالكمبيالات، مانت عارف... هي شكلها

محصلة بعضها. أنا قررت إنى أبطل شغل واستنى الحبس، على الأقل ألق أعيشلى يومين قبل ماتحبس.

إبهار ممیت

التعامل مع الحبيبة التي توهمت أننى أيقنت فكّ طلاسما، أصبح
كزواج ثعبان إفريقي بدب قطبى، كلما شيدت علواً جديداً فى
حياتنا، تتعفن المساحة الداخلية لتحبها فيزداد إظلاماً، تتميز
بالتخطيط الذى قد يصل إلى حل جذور المشكلات الحقيقية لتعرية
أرواح المحيطين بها، أهجر سواحلها فتغوص فى اعماق، أصبح
الفرار الذى لا أقدر عليه هو الحل الوحيد، لأضيّع ما تبقى من
عمرى فى حزن، أسير بهجتى المتهالكة.

أجلس كل مساء لأحتسى كأسى الذى لايفرغ، لألعن يوم معرفتى
بها ودخولها إلى قلبى. هى تفعل نفس الشيء بشكل مغاير، فكل
ما وعدتتى أن تفعل من أجلى لم تفعل منه شىء، أتذكر بعض
الأفعال هنا أو هناك فى غاية الروعة والجمال من أجل أن تثبت
لنفسها وللعالم أن من لم يطفىء دولتها مهزوماً بلا حياة، أما أنا
فأخر شىء فى الوجود من الممكن أن تفكر به إذا سمح وقتها.

بدأت أيامى معها فى ظروف تقليدية للغاية، عندما كانت حبيسة
الغرفة المظلمة عند أبيها، لا تتخطى عتبة منزلهم لتفتح أو تستقبل
أحد مهما كانت درجة الاهمية، بل الأسوء أنه من الممكن أن

تشيد أبراجاً سكنية بجوار منزلها وتراهم يضعون الأساس، أما المرة التالية التي تراهم فيها يكون البرج أصبح عشرين طابقاً، الآن هي تقتحم كل مكان أذهب إليه، بداية من الشوارع، المقاهي، الأصدقاء إلى أن وصلت إلى الملاهي والمسارح، بما أنى مؤمن بالحريات؛ لم تترك لى مكاناً أستمتع بعدم وجودها فيه فى مجتمع لا يؤمن بالحريات، على حمل وعبء أن أحارب فى أعين الناس، وحديثهم الدائر بداخلهم، يصرخون ليشاركوني المرأة التي أحببتها يوماً فى كل نفس تتنفسه معى، الأسوء من ذلك أنى أرى فى عين من أسكنتها روحى أنها تتلذذ بنظراتهم، فأتهاوى فى بئر ليس له قرار من الخراء، لأتساءل هل كل نساء العالم بهذا الشكل، أم هي فقط؟ رغم يقينها بعذابي الداخلى الذى أحاول طوال الوقت أن أخفيه فى ملامح وجهى أن ذلك لايعنيها فى شئ، لكنها تستمتع وأنا كورقة جريدة متفحمة للتو.

تتقن دورها أمام المجتمع كأنها الملاك الوحيد بالكون، لا يتبقى لى عند عودتنا للزنزانة غير الدموع والصراخ والعيويل حتى مطلع الفجر، كأننى سبب مصيبتها بالحياة التي لا أعلمها، رغم أن من

سَلَمنى روحها خربة هو والدها الذى ظل يحشر بعقلها أفكاراً
مخالفة لما تفعله الآن، فتظل فى أوقات كثيرة تفعل أشياءً لتنتقم
منه فقط وليس للإستمتاع بالحياة، فيتم فرمى إلى أشلاء لا أقدر
على تجميعها، تنسحب جرعات الشئ المسمى بالحب تاركاً
جسدى فى تدفق دائم كلما وقعت عليها عيني.

أصحو فى يوم على صوتها تحدثنى عن أشياء، أشخاص لا بد أن
تنتقم منهم، يصيبنى الخرس من طلباتها غريبة الأطوار، فتطلب
أغرب لإستفزازى، إلى أن طلبت منى قتل نفسى لكن ببطء
لتستمتع وهى تشاهدنى أحترق حتى آخر نفس، لكنها تحرق نفسها
معى، هى وعالمها الذى أهديتها إياه.

علی مشارف إحتلال

حينها تذكرت اليوم الذى تجولت فيه بقصر العينى على الترولى
الصدئ الذى يصدر من عجلاته صوتاً يصكّ آذان السامعين، لا
أعلم ما الذى حدث فى يدي بعد جرحها بقطعة زجاج بالخطأ،
غير أنى أرى عظم يدي أمامى ولحمى متهتك. كدت أفقد حياتى:
أولاً بسبب النزيف الشديد، ثانياً بسبب عفاف الممرضة الملاصقة
لحزام الدكتور شربيني وانشغاله بالبحث معها فى جدلية ما وراء
الحزام، تركونى مهملاً بلا أى رعاية أو إنقاذ لحياتى التى تنفرط
كسبحة انقطع خيطها، أدخل فى غيبوبة لأعود منها على صوت
ممرضة أخرى، تضحك بأسلوب تهتز له مشاعر جميع أحزمة
الأطباء الموجودين فى المكان، تردفها بجملة: "مش ده الواد اللي
هايقطعوله إيده يادكتور؟" لتدخلنى بمقولتها فى غيبوبة أخرى لا
أعلم مداها.

أفتح عينيّ هذه المرة لإحساسى برائحة نشادر قوية تشبه رائحة
بحمامات مدرستى التى تعوم فى الخراء على شكل فن تجرىدى
قبيح، يدي ثقيلة بالجبس، لم تقطع حتى الآن لوجود أصابعى
خارجة منه، عرفت بعد ذلك أنها سوف تصاحبنى دون فائدة إلا

إذا وضعت تحت العلاج الطبيعي لمدة سنة أو أكثر، بعد زحام الجمعيات والكمبيالات، تم الحفاظ عليها بشقّ الأنفس من العجز الكامل فأصبح نسبي.

أما الآن أرقد على سرير في غرفة من غرف الطوارئ بمدينة من المدن الجديدة المحاطة بأسوار عالية البنيان، حراسات خاصة تجوب المكان ليلاً ونهاراً، ترافقني صديقتي ريري التي حلتت ضعفاً عليها، أثناء ذلك سقط برواز حاولت اللحاق به لكنني فشلت، لم يترك إصابة إلا في عقلة إصبع واحدة. لكرم ضيافتها أصرت أن أذهب معها إلى المشفى، وإن لم يكن ذلك هو العامل الأساسى، بل صداقتها لزوجتى التي إذا رأت أى خدش بسببها سوف تفعل بنا ما فعل بسليمان الحلبي. وافقت رغم أنى غير مقتنع لأنه ترف زائد بالنسبة لى، بل من الممكن ان نتفاداه بحفنة بُنّ، اشمنزوا جداً وعارضونى بشدة عندما قلت ذلك، بعد كل هذه المهاترات يأتى دور طاقم الأطباء الثلاثة الذين قاموا وتفحصوا إصبعى الأوسط ببالغ الإهتمام، إحساسه الذى خرج من أعينهم أوصلنى إلى الإشفاق عليهم لعدم وجود شىء بى، أراهم يجهّزون منضدة عليها

معدات كأنهم سيقومون بعملية جراحية خطيرة كي يعيدوني للحياة، يبلغونى أنه لابد من تنظيف الجرح لما فيه خطورة على إصبعى، مع الراحة الكاملة لثلاث ليالى وتناول المضادات الحيوية اللازمة، أصدرت صوت صرصور (الحلق) بعنف، نظروا إلى متعجبين وتسمروا كالتماثيل، فقلت لها: "خليهم يخلصوا من غير رغى علشان نمشى من غير مصايب لمصلحتك."

بدأوا التعامل معى على أنى مختل عقلياً، فهربت بعينى إلى أشياء أخرى محاولاً عدم التركيز معهم، لتقع على صندوق قمامة (ستانلس ستيل) يلمع بشكل مبهر، لكنه مطابق فى الشكل تماماً لسرفيس الوجبات الغذائية للمستشفيات العامة. لم أر نقطة دم واحدة على الأرض أو أشم رائحة كريهة من كثرة الرفاهية، لم أحتمل فى هذه اللحظة الانتظار ولو لثانية أخرى، فوقفت أنهى المهزلة، يقول الطبيب المعالج بكل هدوء واهتمام بالغ: "هنديك حقنة بنج علشان الجرح تاعبك يافندم واحنا لسة هننصفه." أدقق فى وجهه كأننى رأيتة قبل ذلك، لابد أن الصدفة الكونية أتت به

إِلَى لأقول له: "طبعاً إنت مش فاكرنى، بس أنا فاكرك كويس يا بن
القحبة... أمال فين عفاف؟ محدش هنا بيلعبك فى الحزام؟"

حافة القبر

لم تسعنى الفرحة بدخوله من باب المنزل بعدما فتح الباب بمفتاحه لعدم قدرتى على الحركة إلا قليلاً بالعكاز، يعود لى شبابى على وجهى وتختفى إحنائة ظهرى قليلاً عند تواجده بجوارى، فهو الابن والسند وأول فرحتى بأولادى، لكنني بعد زواجه آراه على فترات متباعدة والتي كلما مر بى العمر أخذت فى التبعاد، تتأقلت عليه أعباء الحياة التي لا تترك أحداً فى راحة. يمسك بيده كيساً شفافاً به ورقة الطعمية والفول والباذنجان، ينطقها فى فرح آخذني فى أحضانه: "أحنا هنفطر سوا النهاردة يابطة، بعدها هاخذك أفسحك زى زمان ونقعد على النجيلة فى الميدان."

تزرّف عينيّ الدموع ابتهاجاً بلهفته رغم بعده عنيّ فترة لا أعلم مداها، ولا أريد أن أتذكرها، كل ما يعنيني وضع أوزار حياته فى أحضاني، إفطاره معى له طعم أعشقه، لا أشبع منه كأنه آخذني عند أولياء الله الصالحين.

لم أرَ الشارع منذ شهور رحلتى الدائمة من الغرفة إلى بيت الراحة، لأنتزه معى ألبسنى عباءة لم تتغير كثيراً عن التي أرتديها، آخذ بيدي قائلاً وهو يبتسم: "يللا يا بطة علشان تغيرى جو وسبيك من

قعدة البيت، معاكى بطاقتك علشان الحكومه تحت بتقبض على الستات ام عكاز؟"

_ حاضر يا ضنايا، بس براحة عليا... الماتور بيلين... ههههههههههههه.

يشاركنى الضحك فى نفس واحد، يذكرنى بوالده عندما كنا نفعل ذلك، لم يترك لنا غير ذكريات خفة دمه -رحمه الله-، وبعض الديون التى جعلت عيناى فى الأرض لإنحاء ظهرى. إرتسم على وجهى فى هذه اللحظة عمرى بأكملة مع هذا اللعين الذى لاتجوز عليه الرحمة، أبكانى أكثر مما أضحكنى، تزوجته منذ الطفولة، أتذكر جيداً كم كان عمرى يوم زواجى: أربعة عشر عام. عشت فى ظله إلى أن سافر إلى دولة دائماً أنسى إسمها لكننى لا أنسى الأوبئة التى عاد بها من هناك، لم يكمل عاماً ثم رحل عن دنيانا. يقطع حبل ذكرياتى ليسأل:

_ مالك يامًا، تعبتى؟

_ مش عارفة، بس كفاية إن إنت معايا... دى عندى بالدنيا،
والنبي ما تغيش عليا كتير دانا من غيرك مليش لزمة.

_ عينيا يامًا... أدينا وصلنا أهو يا بطة.

_ وصلنا فين يا واد؟! أحنا مش هنروح الجونية؟ إيه اللي جابنا
مدرستك القديمة؟ وإيه العساكر اللي ماسكين بنادق فى وشنا دول،
هى الحرب قامت؟

_ يامًا ده احنا هنتخب فى السريع وهنمشى، هاتى بطاقتك.

أخذها ليبعد عنى أمتار، أراه بوضوح يتحدث مع شخص لا
أعرفه دسّ له نقوداً فى جيبه، فتحسسها بيده اليمين، صفعه
الرجل على قفاه وابتسم له ثم أتى إلى مسرعاً وأوصانى:

_ علمى على رمز الصنارة...

_ يابنى هشوف صنارة ولا شبكة؟ أنا مالى.

_ هدخل معاكى علشان أوريكى.

انتهينا من الانتخابات التي لا أعلم من أين أتت لتفسد بهجتي،
فنادى على مرجوشى ابن جارتى فى المنزل:

_ خدها رَوْحها دلوقتى علشان تعبانة.

_ حاضر ياعم واعر.

_ يابنى إنت مش قلت هتودينى الجونية؟ أومال جرّتى كل ده
وراك ليه؟

_ يامًا إنتى عملتى اللى عليكى وزيادة، وأنا ورايا مصالح تانية...
رَوْحى دلوقتى وهعدى عليكى بعدين.

جلست فى المنزل أنتظر كما وعدنى ليمرّ علىّ، لا أعلم عدد
الأيام، كنت أحسبها فى السابق أما الآن تمر دون اهتمام لتشابهها
الشديد، النهار مثل الليل فى هذا المنزل الذى لا يدخله النور إلا
فى خجل من وقت الآخر، أكافح لأذهب إلى جارتى لأسالها: "هى
الانتخابات إمتى تانى؟ الواد واحشنى؟"، فتدرد باقتضاب شديد:
"إنتى سألتينى النهاردة ثلاث مرات..."

لم يكن اختياري

يبعد عنى بأمتار قليلة إسْطبل الخيول العربى، ونادى الشمس
حيث حمامات السباحة، الملاعب، الورود واجساد نساء ورجال
وأطفال فى أبهى زينة، ورائحة النسيم التى نسيتهما، خلفى عزبة
كحوش.

لا فرق بينى وبينها غير أن من يحيون بها أجساد قاربت على
التحلل، أما أنا قد تخطيت هذه المرحلة، يأتينى هذا اليوم زوار
العيد الذى أكرهه كرهاً شديداً لما يحدث لى، تُفتح بواباتى فى
الصباح لتدخل زمرة من النساء متدثرين السواد، يولولون،
يصرخون، ينتحبون، يزورون من لهم بداخلى من عظام باقية،
كنت أصبر عليهم فيما سبق عندما كانوا يأتون بالجريد الأخضر
والشُوريك وبعض الأظعمة، فيعمّ الخير على أهل المكان
فيرعوننى، ويسقون زرعى.

أما الآن لا أحسّ منهم غير الإنتهاك بلا رحمة، تنتهى هذه
الأفواج لتبدأ الصبيبة فى الدخول والنبش بداخلى لكى يلعبون،
فأصمت وأبسط لهم نفسى حتى ينتهوا، لكنهم أصرّوا على

مفاجئتي، اليوم أخذوا من داخلي رأس زينهم العجلاتي، ليلعبوا بها
مباراة كرة.

فى نفس هذه الأيام من العام الماضى إعتاد هؤلاء الصبية تأجير
العجل من زينهم فيسعد بسعادتهم، لذلك أحس دموعه تروينى،
فأتمزق وهم يركلون رأسه بين أرجلهم، بنوا مرمى واحد لفريقين،
يعطى حارس المرمى ظهره لهم، يقذف الرأس ليبدأوا بعدما غلّفوها
بورق جرائد وقطع قماش قديمة، فيلهون ويروغون بعضهم بفرح
واستمتاع للدرجة التى أنستنى أن هذه الكرة هى رأس زينهم الذى
أحبيته من كثرة حكاياته عنهم لى، يهون المباراة ليتركوها بجوار
الحائط، ويعم الهدوء على المكان.

وقت قليل لأستقبل آخر فوج، لينتهك كل ما بقى عندى من صبر،
هم أناس قليلون يأتون فرادى حتى يكتمل عددهم، يبدأون فى
مضاجعة النساء واحتساء الخمر وتناول السجائر ذات الدخان
الأزرق حتى مطلع الفجر، يعلو صوتهم فيزعجون من بداخلي،
وبنهاية سهرتهم التى نادراً ما تنتهى بسلام. لا يتبقى منهم لى غير
قطرات منيهم، أعقاب سجائر، زجاجات خمر مهشمة.

حولى سور كبير، بجواره من بدايته إلى نهايته تلقى القمامة،
وعلى البوابة لافتة أكلها المطر والشمس مكتوب عليها (مدافن
الصدقة).

أشباح في الإنعاش

أصبحت رائحة الليل كالمقابر المتناثرة بالمدينة، شكل البيوت كالزنازين، أجوب طرقاتها المظلمة لأبحث عن مأوى لا أعلمه من كثرة ترحالى بين الشوارع والطرق، أسأل نفسى كثيراً هل تزوجت؟ هل كنت أعمل عملاً شريفاً محترماً؟ كما يقولون لى إن هذا شريف أو ذلك محترم.

لم أتمنَ أكثر من ذلك ياقتتى، كل يوم فى نفس الميعاد تتقاسمى معى كسرة الخبز التى تأتى بها من القمامة، أنت الوحيدة التى لا تكسر بخاطرى، على كل حال سأنتقاسم معكى كوب الماء، هل أنت دافئة؟ من الممكن أن يكون الشعر الذى يغطى جسدك يغنيكى عن أى ملابس مثل ملابسى التى فتحاتها أكثر من أجزائها السليمة.

لم تحتوينى بطانية منذ سنين، لم يحتونى غير غطاء السيارات المهلهلة المليئة بالأتربة وبول الكلاب الضالة، أرتعش من البرد أحياناً، تقفّ الرعشة من أطرافى بعد رقصى حزناً على كل شئ أفقدته بكارته فى حياتى، لم يعد لى غير مراقبة عقارب الساعة على حائط ظهرى المحنى.

هل من مبارز يرقص معى يا أهل المقابر؟... أقصد يا أهل هذه المدينة، إنكم نائمون أو بالأحرى مدفونون، تضاجعون بعضكم البعض، تمثلون الصراخ واللذة، أسمعكم جيداً، تقذفون أجسادكم بعد ذلك تستغرقون فى النوم لتستيقظوا على ميعاد عذابكم اليومى... أقصد دائرتكم التى تلتهم أعماركم دون أدنى مقاومة منكم، تتسرب حياتكم كالماء من بين اصابعكم، تبحثون عن رضا رجل يأمركم: إن هذا محرّم وذلك محلل، ولا تسألون لماذا... لن يسمح لكم بالسؤال. لم يكن هذا الكائن الإله فى يوم، رغم أنكم تتمنوا رضاه إلى أقصى درجة، لذلك تستبدلون نساءكم فى الخفاء لتمر الأيام دون أحمال تطبق على صدوركم، تضحكون فى أوجه بعضكم البعض فى تضامن: ظاهره الروعة، داخله العفن.

... سوف أقول لكم... أقول... أقول...

هل تسمعوننى يا...؟

هل من مبارز؟ أم أن قواكم خائرة؟

...هيا ياقتتى نرحل لنترك لهم بركتهم

الفهرس

- ٧ الحيوانات كائنات أرقى
- ١١ صاحب الكباريه
- ١٥ حفظتكموا يا ولاد المتـ
- ٢٣ الشبكه المقدسه
- ٢٩ بداخل الفولاذ
- ٣٥ جسد أثناء تحلله
- ٤١ عقل مُسرطن
- ٤٧ دستور خلفى
- ٥٣ أزمة دبلوماسيه عند أم شطه
- ٦٥ لعل الفأر يعلم!
- ٧١ عمى الأقدار
- ٧٧ نهايه بلا بدايه
- ٨٣ إبهار مميت
- ٨٩ على مشارف إحتلال
- ٩٥ حافه القبر
- ١٠١ لم يكن اختياري
- ١٠٧ أشباح في الإنعاش